



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Mechlinia Illustrata Luce Miraculorum S. Francisci Xaverii  
Orbis Utriusque Solis Ac Thaumaturgi Chronicis Distichis  
evulgata Anno M.D.C.LXVI.**

**Grumsel, Gérard**

**Mechliniae, 1666**

Approbationes Beneficiorum.

**urn:nbn:de:hbz:466:1-11918**

ram Deo maturè consideratis, decernendum post longam, & sæpius iteratam inquisitionem putavimus, prout per præsentés decernimus, posse dictæ Catharinæ sanationem tamquam miraculosam, & per merita Sancti FRANCISCI XAVERII à Deo factam, & impetratam censeri, & publicari; & ut talem publicamus & censere nos testamur: Auctorem omnium Deum rogantes, ut sicut Indiarum gentes Sancti FRANCISCI XAVERII dum vixit, prædicatione, & Miraculis Ecclesiæ suæ aggregare voluit, ita modo hisce in partibus ejusdem Miraculis, & intercessione fideles populos velit in eadem conservare, & confirmare; eosque, qui quovis errore ab eâ segregati sunt, ad eandem benignè reducere. In horum omnium fidem hæc manu propriâ signari, & Vicariatus nostri sigillo muniri curavi. Die XIX. Mensis Martii, Anno Domini 1664.

Locus \* Sigilli.

J. HOEBRAKEN

## APPROBATIONES BENEFICIORUM

### S. I.

**A**NDREAS Dei, & Apostolicæ sedis gratiâ Archiepiscopus Mechliniensis: Omnibus has visuris salutem in Domino. Cum in dies clarescant plura, ac plura Beneficia quæ divina manus largè conferre dignoscitur ad sacras Reliquias de Brachio dextero magni Indiarum Apostoli S. FRANCISCI XAVERII in templo Societatis JESU Mechliniæ fidelium venerationi, nobis approbantibus expositas, de iisque per Revend. Admodum Dominos Commissarios ad hoc deputatos legitinæ sint captæ informationes: Nos per eos debitè informati (quamquam non dubitent quin complura Miraculis à nobis meritò adscribi posse viderentur) maturiori adhuc examini illa cum aliis reservantes neque certi quidquam in præsentiarum decernentes, vulgari typis omnia dumtaxat permittimus, in fide bonâ eorum, qui se à S. FRANCISCO XAVERTIO accepisse apud suprascriptos Reverendos Admodum Dominos Commissarios legitinè deposuere, ut videant omnes non esse abbreviatam manum Domini, quin salvare possit, etiam in particula Brachii Servi sui: adeoque incitentur ad divinam ejus misericordiam per Sancti sui intercessionem ferventiùs implorandam, & feliciùs consequendam. Datum Mechliniæ die decimâ sextâ Mensis Februarii, Anno Domini 1662.

Locus \* Sigilli.

ANDREAS Archiepiscopus Mechliniensis



**I**dem Illust. Dominus alias Approbationes de aliis beneficiis similis formæ dedit XXI III.  
Novembri M. DC. LX. & XI. Februarii M. DC. LXI. Et hanc extendit ad no-  
va Beneficia xx. Septemb. M. DC. LXII. II. Octob. M. DC. LXIII. XXVIII.  
Novembri M. DC. LXV. Die vero XXI. Oct. M. DC. LXVI. eandem exten-  
sus fuit ad felicem partum Mariae Annæ Sentevers. Fuit & tum instantaneam sanationem  
Gasparis Scheerlinck Novitii Societatis JESU Mechliniæ ut Miraculum novâ formu-  
lâ approbaturus, si instrumenta, quæ à RR. Adm. DD. Commissariis Mechliniæ legitime  
confecta esse intellexerat, Bruxellis fuissent ad manum. Superveniens inexpectata He-  
miplexia, & subsequuta mors utriusque subscriptionem, quæ sola deest, impedivit.

S. 2.

**F. AMBROSIUS** Capello Dei & Apostolica Sedis Gratiâ Episcopus  
Antverpiensis Omnibus has visuris salutem in Domino.

**C**um intellexerimus in subiecto nobis oppido Lirano, alijs-  
que varia beneficia obtineri imploratâ ope S. FRANCISCI  
XAVERII Indiarum, ac Japoniarum Apostoli, cujus sacrae Re-  
liquiæ de Brachio dextro in templo Societatis JESU Mechliniæ  
magno concursu, ac fructu à confluyente undique fidei populo  
coluntur: commisimus R. R. Adm. D. D. Gaspari Smits Oppidi  
Lirani Plebano, & Christianitatis Decano, ac Sac. Theologiæ  
Licentiato, & Edmundo Bedingfeld Canonico Ecclesiæ Colle-  
giatæ S. Gommari Lira, ut inquirerent nominatim in bene-  
ficia, ac gratias, quas per intercessionem ejusdem S. FRANCISCI  
XAVERII obtinuisse se profiterentur Anna Tomas filia Lirana  
annorum circiter 33. & Catharina van Hoef Uxor Petri vander  
Elst Civis Lirani. Qui commissio à nobis munere ritè fungentes  
exactâ primum jurisjurandi religione, legitima de iis confecere  
instrumenta, quæ ad nos transmisere, quibus ipsi etiam subscrip-  
sere. Et quia judicamus piè, ac prudenter credi posse non sine  
singulari patrocinio ejusdem Sancti illa Beneficia esse ab iis ob-  
tenta, nihil ulterius modò decernentes, permittimus ut ea, pro  
ut in illis instrumentis narrantur, typis vulgari possint, in bonâ  
sic deponentium fide, ut eorum notitiâ excitati fideles subiecti,  
alique in tribulationibus suis auxilium opportunum quærere, &  
invenire valeant ab eo, quem approbatis ab Illust. ac Rev. Mech-  
liniensium Archiepiscopo Miraculis, aliisque Beneficiis illo in  
loco mirificare videtur velle Deus, qui etiam hodie in particulâ  
Brachii Sancti sui innovat signa, & immutat mirabilia; glorificat  
manû & brachium dexterum suû. Datum Antverpiæ 29. Aug. 1662.

Locus\* Sigilli.

F. AMBROSIUS Episcop: Antverp:



JOANNES ERNESTUS Baro de Surler Eccl. Cathedralis Leod. Canonicus, & Collegiatæ oppidi Vifetensis Abbas sæcularis, nec non Ser.<sup>mi</sup> Episcopi & Principis Leodiensis Vicarius Generalis &c. Omnibus, & singulis has visuris salutem in Domino.

**Q**uemadmodum non unum locum percurrit S. FRANCISCUS XAVERIIUS Japoniæ, atque Indiarum à Societate IESU glorioſus Apoſtolus, ut Dei nomen portaret coram exteris gentibus, & Regibus, ita non uno in loco nomen eius prodigioſis beneficiis, & miraculis hæc tempeſtate clarum reddere videtur Deus: Mechliniæ præſertim ad Sacras ejus Reliquias miraculis ab Illuſt. & Rev. Domino Archiepiſcopo Mechlinienſi approbatis inſignes, pluribusque aliis beneficiis ab eodem, & aliis Eccleſiæ Præſulibus ritè juſſis examinari, & typis vulgari. Hæc Miraculorum, ac Beneficiorum fama Diœceſim Leodiensẽ penetravit, in quã complures grati agnoſcunt ſe peregrinationibus, aut votis ad prædictas Reliquias directis, ſolacium in morbis, aut tribulationibus ſuis inveniſſe, præſertim in Diſtrictu Archidiaconatus Condoyenſis. Quare commiſimus Veni. D. Matthiæ de Amezaga Canonico regulari in Cloiſterade, Præpoſito, & Paſtori Limburgenſi, ut auctoritate noſtra examinaret, quæ per Sancti ſui invocationem beneficiè illi operari dignaretur Deus, noſque debuit informaret. Hiſc itaque teſtatum facimus accepiſſe nos à prædicto domino instrumentum ritè formatum, quo palam fit, quod Maria Anna Garaff filiola trimenſtris, cum toto capite, collo, atque ad o toto corpore plena eſſet tumoribus, glandulis & apoſtematibus, & præſertim duo majora haberet ſub axillis dura; cumque depoſitâ curationis ſpe omni manum ſubtraxiſſet Chirurgus, ad invocationem S. FRANCISCI XAVERII, cultumque Imaginis ejus, ac uſum olei ex lampade Mechliniæ ante ſacras ejus Reliquias ardente allati, intra paucos dies ſit ſanata: id quod præter parentes, & aviam ipſe Chirurgus juratus eſt teſtatus, agnoſcens hæc in re divinam virtutem, prout agnovère etiam duo alii experti Chirurghi deſuper conſulti. Quæ nos conſiderantes, & honorare volentes, & deſiderantes ab omnibus honorari, quem Deus tot ſignis, & prodigiis ad prædictas Reliquias in templo Societatis IESU Mechliniæ expoſitas, oſtendit ſe velle honorare: Declaramus videri nobis, piè, ac prudenter perſanationem iſtam attribui interceſſioni S. FRANCISCI XAVERII: atque ita permittimus, ut ejus enarratio typis vulgari poſſit in bona ſic deponentium, atque atteſtantium fide: Gratias agentes Deo quod etiam ad hanc Diœceſim noſtram, virtutem Brachii ſancti ſui patriatur extendi, & dilaudantes ſolertem eorum pietatem, qui in afflictione conſtituti vota ad prædictum Sanctum prædictasque ejus Reliquias dirigunt: in quorum fidem hæſe manu, & Sigillo noſtris munus expediri juſſimus. Datum Leodii in ædibus noſtris clauſtralibus Anno M. DC. LXIV. Menſis Septembris die decimâ tertiâ.

Locus <sup>2</sup> Sigilli.

JOANNES ERNESTUS DE SURLER.  
Canonici & Vicarius General. Leodiensis.

R 3

JUDO-



Judocus Houbraken Ecclesiæ Cath. Antverpiensis Canonicus, & Episcopatus Sylvæducentis vacantis Vicarius Generalis, omnibus has visuris salutē in Domino.

**C**um muneris nobis impositi obligatio exigat singularem à nobis haberi rationem eorum, quæ ad Orthodoxæ fidei confirmationem, præsertim in locis Heterodoxorum Domino subjectis, per Sanctorum suorum invocationem & intercessionem patrare dignatur Deus; palam facimus, quòd, postquam se in ea latè extendit non tantùm fama Miraculorum juxta approbationem Illust. & Rev. Domini Archi-Episcopi Mechliniensis patrum ad Reliquias S. Patris FRANCISCI XAVERII *Mechlinia* in templo Societatis JESU publicæ venerationi expositas: sed etiàm, ut ad nos fuit relatum, virtus ipsa dictarum Reliquiarum operante Deo multis salutarium; nominatim inquiri curaverimus in sanitatem, quam voto ad præfatas Reliquias directo *Sylvæducis* obtinuit *Maria N.* uxor civis Sylvæducentis ab ægritudine, quæ per sesquiannum juxta judicium Medicorum incurabili, & in perfectam paralyfim degeneraturâ laboraverat, subitò vindicata: Commissarios ad id constituimus Ecclesiasticos viros spectatæ virtutis, & doctrinæ, minimèque suspectos, qui exacto prius juramento acceptas legitimè informationes legitimis tabulis, à se quoque subscriptis, ad nos transmiserunt cum expressione nominum, & mulieris sanatæ, & Doctorum, ac Chirurghi deponentium, quæ hic iustis de causis subticemus. Et cum in præsentiarum nec necessitas, nec commoditas sit omnia secundum S. Concilii Tridentini placita ulterius discutiendi, nihil aliud modo decernentes, declaramus piè, & prudenter dictum sanitatis Beneficium à præfata *Maria* obtentum S. FRANCISCI XAVERII apud Deum intercessioni posse adscribi, & ut tale vulgari in jurata deponentium fide; simulque hortamur universos, Catholicos quidem ut fiduciam suam in Deo, ejusque Sanctis, & nominatim S. FRANCISCI XAVERII viri planè Apostolici patrocínio collocare utiliter pergant; alios verò, ne claræ veritatis soli oculos elaudant, sed  
cognos-



cognoscant & ipsi hodie magnalia Dei, quæ facit in medio eorum ad invocationem S. Servi sui. In quorum fidem præsentem dedimus *Antverpiæ* sub manus propriæ signaturâ, & vicariatus nostri Sigillo die xxx. Octobris, Anno M. DC. LXII.

*Locus † Sigilli.*

J. HOUBRAKEN

S. 5.

**A**mplissimus ac Reverendus Adm. Dominus D. Oliverius D'Esse Vicarius Generalis Episcopatus Midenfis & Lunensis vacantis in Hibernia, postquam diligenter inquisivisset in modum, quo sanatus est Dublini Guilielmus Baron ab incurabili ulcere ad cultum S. FRANCISCI XAVERII, usumque olei Xaverianæ lampadis Mechliniæ ad miraculosas Reliquias ardentis, eumque super eo per se ipse, aliosque, qui diu noctuq; ægro adsuerant, examinasset explorataque haberet Doctõrũ Medicorum de eo sensa, judicavit & judicare se literis conscriptis testificatus est, illum post Deum ac B. Virginem S. FRANCISCI XAVERII intercessioni esse adscribendum, & ut talem vulgandum, prout patet ex authenticis ejus tabulis confectis Dublini 12. Junii 1665.

Idem censuit de liberatione Pauli Aylward ab Asthmate, & uxoris ejus à profluvio sanguinis, ac Catharina Gall ab acuta Paralyfi *Watersfordiæ* impetratâ, ut constat ex literis Dublino datis 25. Januarii 1666.



**FERDINANDUS** Dei & Apostolicę  
*Sedis Gratia Episcopus Paderbornensis, E-*  
*lectus Coadjutor Monasteriensis, S. R. I.*  
*Princeps & Comes Pymontanus, uniuersis*  
*presentes literas visuris, lecturis, vel*  
*legi audituris Notum facimus & testamur.*

**C**um fama Miraculorum ac celestium beneficiorum ad Cul-  
 tum S. F. XAVERII ultimis hisce annis *Meclimia* ad Mira-  
 culosas ejus Reliquias patratorum, atq; à Mecliniensium Archie-  
 piscopo, & aliis Ecclesię Præsulibus eorumque vicariis Generali-  
 bus approbatorum in hanc etiam Diœcesin nostram esset delata,  
 non pauci ex subditis nostris excitati ad ejusdem Sancti Patrocini-  
 um apud Deum in afflictionibus & necessitatibus suis confugerunt,  
 & ut audimus, non sine fructu: Warburgi imprimis nostrę Diœ-  
 ceseos oppido, ubi *Tilmannus Muller*, & *Anna Christina Meysers*  
 conjuges, filioli sui *Ferdinandi* sanitatem favori hujus Sancti gra-  
 tanter adscribunt. Nondum erat is biennis, & diuturno ac peregrino  
 morbo totus contabescebat. Adhibuerunt parentes medicamenta  
 omnia, quę in eã ætate judicabantur posse prodesse: nulla pro-  
 fuerunt. Cum ablata jam esset spes omnis valetudinis, oblata iis est  
 imago S. F. Xaverii quę ad Miraculosas ejus Reliquias *Meclimia*  
 fuerat applicata, suasumque in theca cerę benedictę è collo infan-  
 tis appenderent, magnamque fiduciam in meritis ac intercessio-  
 ne hujus sancti reponerent. Fecerunt id parentes, & remittente  
 quotidie malo puer vires sumpsit & totus ad se rediit. Ita se ha-  
 buit ad hebdommadas aliquot, quando thecâ cum Imagine è  
 collo delapsâ & deperditâ, puer antiquo rursus malo corripit cœ-  
 pit, & magis, quam unquam antea deficere ac contabescere, ut  
 spem valetudinis ac vitę omnem parentes abjicerent. Inexpecta-  
 tam hanc atque insperatam mutationem tandem P. *Frederico*  
*Muller*



*Muller* Societatis JESU Presbytero indicarunt, qui rogavit prop-  
tinus, num imaginem Xaverianam è collo pendulam etiamnum  
puer gestaret, indicavitque quantum in eâ, & sancti illius patro-  
cinio fiduciæ reponendum judicaret. Id cum observassent paren-  
tes, diligenter ædes everri curant, repertamque feliciter cum Ima-  
gine thecam novâ cum fiduciâ pueri collo appendunt; quando  
altera jam vice malum indies abiit, puerque planè convaluit,  
parentibus iteratam hanc ad Imaginis Xaverianæ religiosum  
cultum filii valetudinem, Deo, ac Sancto ejus *Xaverio* grato animo  
adscribentibus. Hæc omnia cum parentes jurisjurandi religionem  
interponere parati si opus foret, deposuissent apud *P. Bernardum*  
*Bierman*, Priorem conventus nostri Warburgensis, Ordinis Fra-  
trum Prædicatorum, & *Joannem Meyer* oppidi nostri Warbur-  
gensis pastorem, ac manu propriâ signassent; signata hi etiam pro-  
priâ suâ manu testimonia *Mechliniam* miserunt. Horum omnium  
legitimum exemplar ad Nos destinavit *P. Rector* Societatis JESU  
*Mechliniæ*, submissèque Nobis supplicavit, ut auctoritatem no-  
stram ad rei hujus veritatem indagandam interponere dignare-  
mur: quò res ad Dei gloriam & *S. F. Xaverii* honorem confir-  
matius possit vulgari. Nos igitur postquam in veritatem omnium di-  
ligenter inquiri curavimus, omniaque ut enarrata sunt, ita se habere  
comperimus, per præsentem declaramus sine temeritatis periculo piè ac  
prudenter prædictam sanationem *Ferdinandi Muller* secundum paren-  
tum fidem & attestationem *S. F. Xaverii* meritis ac intercessionem ad-  
scribi posse; hortantes omnes, ut in necessitatibus suis ad commu-  
nem illum afflictorum patronum, & seculi hujus Thaumatur-  
gum confugiant; Cujus præsentem opem in gravi ac periculosâ  
infirmirate anno 1664. experti, insignes sacrarum ejus Reliquia-  
rum particulas à Reverend.<sup>mo</sup> Patre *Joanne Paulo Oliva*, Societatis  
JESU Præposito Generali, cum gravissimo de integritate illarum  
testimonio ex Urbe Nobis transmissas, & argentæ hierothecæ  
inclusas Ecclesiæ, & Collegio Paderbornensi Societatis JESU in  
grati devotique animi signum sequenti anno donavimus: certâ  
spe freti, futurum ut Magni hujus sancti, ac Patroni Nostri sin-  
gularis veneratio in Civitate & Diœcesi Nostrà augeatur, & divina  
bonitas precibus ejus exorata in Nos, Nostreque ditioni subjeptos  
plura



plura indies beneficia effundat. In cujus rei seu attestationis fidem litteras hæc manu Nostrâ subscripsimus, sigilloque Nostro jussimus communiri; Dat. Paderbornæ XXII. Novembris. M. DC. LXVII.

FERDINANDUS

Locus ✠ Sigilli.

S. 7.

**P**Lurima adhuc alia beneficia à variis accepta referuntur Sancto F. XAVERIO, cultuique miraculosarum ejus Reliquiarum *Mechlinia*, de quibus, quia legitimâ auctoritate nondum sunt approbata, in hisce Chronicis non fit mentio. In non pauca etiamnum inquiritur in variis Episcopatibus.

**MIRABILIS DEVS IN sanctIS VI.** *pf. 67.*

Facultas R. P. Provincialis Societatis JESU  
Provinciae Flandro - Belgicæ,

**E**Go infra-scriptus Societatis JESU Præpositus Provincialis in Provincia Flandro-Belgica, potestate ad hoc mihi facta ab admodum R. P. Nostro JOANNE PAULO OLIVA Præposito Generali ejusdem Societatis, concedo Gisberto Lintio Typographo jurato Mechlinensi Facultatem typis mandandi librum, cui Titulus Mechlinia Illustrata Miraculis S. FRANCISCI XAVERII, à R. P. GERARDO GRUMSEL Societatis nostræ Sacerdote conscriptum & à deputatis ejusdem Societatis Theologis examinatum & approbatum. In quorum fidem has manu mea subscriptas & officii mei Sigillo munitas dedi. Antverpiæ 19. Aprilis 1666.

ÆGIDIUS VANDER BEKE.

C E N S U R A.

**M**iracula Sancti Patris FRANCISCI XAVERII, quibus *Mechliniam* Illustravit; Miraculo similis GERARDI GRUMSELII Vena tibi sistuntur, Lector. Arcta Poësis est, quia syllabis alligata; arctior, quia literis; arctissima, quod eidem semper anno congruentibus. In hisce tamen angustiis tam libero, tersoque uti stylo Miraculum dicerem, nisi XAVERII id adscriberem beneficio, qui prodigiis suis hoc adderet prodigii, quod ea prodigiosè evulganda curaret, Concitabit igitur auctor, verè in hac Palaestra mirabilis, admirationem; admiratio amorem juxta & utilitatem. Ita censeo.

L. NEESEN Canon, Theol. Mechliniensis,  
Librorum Censor.